



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Imprimatvr

urn:nbn:de:hbz:466:1-10805

& si voluisssem, non valuisssem. Adde, quod & rationem Divinarum Laudum sequutus sum, quæ Hymnis constant, & prosa. Neque tamen fortuitò in Poëticos passim sonos erumpo, sed ibi duntaxat, ubi forma quædam subest, vel materia Poëticæ. Miscere vero Poëtica Philosophicis docet me, teste Ficino^a omnis antiquitas, idque olim è Græcis usitatum asserit Cicero in Tusculanis^b. Idem permittunt, & laudant Plutarchus^c, Jamblicus^d, Plinius^e, & ex nostris Pacianus^f, atque Ambrosius^g. Nec desunt exempla nam prosæ versus miscuere doctissimi viri Valerius Martialis, Statius Papinius, Decius Ausonius, Lucianus Samosatenus, Theodorus Prodromus, Petronius Arbiter, Fulgentius in Mythologiis quicunque ille sit, Martianus Capella, Severinus Boëthius, Valerius Probus, Phocas Grammaticus, Curius Fortunatianus Rhetor, Junius Moderatus Columella, Sidon. Apollinaris, Venantius Fortunatus, Ennodius Ticinensis, Marcus Varro in Satyris Menippæis, Seneca in ludo de morte Claudii, & multi Recentiores. Si quis autem à Poëticis alienus fuerit, Poëтика non legat, ea enim ratione composita sunt, ut sine dispendio cæterorum omitti possint.

8. Dicam ego de hoc libro, quod Chrysostomus de suis sermonibus^h: Licet omnes non legant, pars saltem dimidia leget. Quod si nec dimidia quidem portio legerit, vel tertia pars. Quod si nec tertia, nec quarta, sint saltem decem. Quod si nec decem, saltem quinque. Quod si nec quinque, unus saltem. Et si nec unus, mercedem tamē perfectam pro meo labore, & bona intentione accepturus sum. Dicam cum Christiano Druthmano Monachoⁱ; Ego nulli nolenti jussero, aut legere, aut habere hunc librum, sed qui voluerit: & si aliquis hunc detestetur, ordinet meliorem, & ego voluntariè ipsum suscipio, nam iste nihil ulli nocet. Dicam & cum Aspendio Citharædo, atque cum Hismenia tibicine quorum præclari viri mentionem faciunt^j, Novi intus mihi ipsi, & Musis canere. Mihi soli scripsi, mihi scenam struxi. Sufficiunt, mihi pauci Lectores, sufficit unus, sufficit nullus. Dicam tandem cum Valerio Martialis^k.

Si nimius videns, seraque coronide longus

Esse liber, legit opaqua, libellus ero.

Vale, mi Lector, & si quid ex hujus libri lectione profeceris, Deum lauda, & ora pro me.

^a Ficin. l. 3. epist. ad Baron. Fontian. u Cic. 2. Tuscul. x Plut. comm. Quomodo adol. Poetas audire debeat, y Jambl. lib. 2. de vita Pythag. cap. 3. z Plin. junior. lib. 7. ep. 9. a Pacian. ep. 1. adv. Novatianos. b Ambros. l. 3. de fide ad Gratian. cap. 1. c Chrys. tom. 1. hom. de Paradis. & Scripturis. d Druib. prol. in Matth. e Ambros. pref. in Psalm. Hieron. lib. 2. ad Ruffin. c. 8. Dio Chrys. or. 78. Seneca ep. 7. f Martial. init. lib. 10.

IMPRIMATUR,

Si videbitur Reverendiss. P. Sac. Palatii Apost. Magistro.

Ascanius Rivald. Vicefger.

Imprimatur. Fr. Vincentius Cepolla Magist. Reverendiss. P. Magistri Sacri Palatii Apostolici Socius Ordinis Prædicat.

PSAL-

